

摛藻堂四庫全書薈要

集部

欽定四庫全書
全唐詩卷八百八十四

御定全唐詩卷八百八十四

補遺三

御定全唐詩卷八百八十四

杜牧詩一

渡吳江

堠館人稀夜更長
姑蘇城遠樹蒼蒼
江湖潮落高樓迥
河漢秋歸廣殿涼
月轉碧梧移鵠影
露低紅草濕螢光
文園詩侶應多思
莫醉笙歌掩華堂

厲玄詩一

元日觀朝

玉座臨新歲朝盈萬國人火連雙闕曉仗列五門春瑞
雪銷鴛瓦祥光在日輪天顏不敢視稱慶拜空頻

趙璜詩一首

六月

六月火雲散蟬聲鳴樹梢秋風豈便借客思已蕭條傾
國三年別煙霞一路遙行人斷消息更上灞陵橋

喻冕詩一首

樊川寒食第
一
字

新松 綠草古柏翳黃沙
珮珂客驚鳥綺羅人間花
塵南北馬碾石去來車
川晚悲風動墳前碎紙斜

潘咸詩一
首

芍藥

閒來竹亭賞賞極華珠
宮葉已盡餘翠花纔半展
紅媚欺桃李色香奪綺羅
風每到春殘日芳華處處同

劉得仁詩五
首

晚步

野步晚悠悠山光澹早秋遠空淪日脚多稼沒人頭古
木蟬齊噪深塍水漫流幽居迥不近秋策却堪愁

村晚閒步

緩步出居處過原邊雁行夕陽投草木遠水映蒼茫野
寺同蟾宿雲溪斲藥嘗蕭條霜景暮極目盡堪傷

冬日題興善寺崔律師院孤松

為此疎名路頻來訪遠公孤標宜雪後每見憶山中靜

影生幽蘚寒聲入迴空何年植茲地曉夕動清風

題新栽小松

滿庭蕭颯皆凡木豈得颶颶似石溪雪夜枝柯疑畫出
月中長短共人齊未知何日干天及恐到秋來被鶴棲
却向舊山尋得處白雲根發覓應迷

栽松

翠色凜空庭披衣獨繞行取從山頂嶮栽得道心生未
弱幽泉韻焉論別木聲霜天殘月在轉影入池清

薛瑩 詩一

首

十日菊

昨日尊前折萬人
酣曉香今朝籬下見滿地
委殘陽得失片時痛榮枯
一歲傷未將同腐草猶更有重霜

賈島

詩一

赴南巴留別蘇臺知己

人過梅嶺上歲歲北風寒
落日孤舟去青山萬里看猿聲
湘水靜草色洞庭寬已料生涯事只應持釣竿

莊南傑詩四首

紅薔薇

才調集作
無名氏詩

九天碎霞明澤國造化工夫潛翦刻翠葉長眉約細枝
殷紅短刺鉤春色明日當樓晚香歇金帶盤空已成結
謝豹聲催麥隴秋熏風吹落猩猩血

曉歌

鶗鴂哭樹星河轉海上金烏翅如電嫦娥斂髮綰雲頭
玉女舒霞織天面九土廚煙滿城邑商洛隴頭車馬急

魏宮鐘動繡窓明夢娥驚對殘燈立

春草歌

漠漠縵縵幾多思無言領得春風意花裁小錦繡晴空葉抽碧簾鋪平地含芳弔影爭芬敷繞雲恨起山蘿蕪離人不忍到此處淚娥滴盡雙真珠

古松歌

山上山下松森沉翠蓋煙龜鱗屏甲鏁支體泉聲雨腳洗春風深碧廬尾埽冥濛淺黃龍腹盤穹崇擎天攫地

數千尺恐作雲雨歸維嵩維嵩成大厦莫遣邂逅逢樵
者

薛能詩四

蒲中霽後晚望

河邊霽色無人見身帶春風立岸頭濁水茫茫有何意
日斜還向古蒲州

龍門八韻

河浸華夷閣山橫宇宙雄高波萬丈瀉夏禹幾年功川

近晴明雨林生旦暮風人看翻進退鳥性斷西東氣逐
雲歸海聲驅石落空近身毛乍豎當面語難通沸沫歸
何處盤渦傍此中從來化簪者攀去路應同

新雪

細落纏和忽復繁頓清朝市不聞喧天迷皓色風何亂
地溼春泥土半飄香暖會中懷岳寺樵鳴村外想家園
閒吟只愛煎茶澹幹破平光向近軒

送判官赴京

闕下情偏已絕稀天涯身遠復相依庭花每對從容落
夜燭多同笑語歸君子是行應柏署鄙人何望即柴扉
青雲若遇交親話白璧無心待發揮

朱景玄詩一首

溪東岑望天都山

目望浮山丘梯雲上東岑羣峰爭入冥巉巉生太陰昔
賢此升仙結構窮聳深未曉日先照當晝色半沈風泉
雪霜飛雲樹瓊玉林大道非閑隔無路不可尋窺鏡澄

夙慮望壇起敬心一從呼子安永絕金玉音

許渾詩一
首

夜行次東關一作行次
潼關驛逢魏扶東歸

南北斷

一作
倦

蓬飄長亭酒一瓢殘雲歸太華疏雨過中

條樹色隨關迥河聲入塞

一作
海

遙勞歌此分首一作
手

急馬蕭蕭

李頻詩二
首

南遊湘漢寄友人

南去遠三京三湘五月行巴江雪水下楚澤火雲生向
野聊中飲乘涼探暮程離懷不可說已近峽猿聲

送劉山人歸洞庭

却共孤雲去高眠最上峰半湖乘早月中路入疏鐘秋
盡蟲聲急夜深山雨重當時同隱者分得幾株松

李郢詩十首

早發

野店星河在行人道路長孤燈憐宿處斜月厭新裝草

色多寒露蟲聲似故鄉清秋無限恨殘菊過重陽

題惠山

乳洞陰陰碧澗連杉松六月冷無蟬黃昏飛盡白蝙蝠
茶火數星山寂然

雨中看山榴落花

山榴逼砌裁山火一團開盡日風薰雨春渠擁作堆

寄友人乞菊栽

第七句
缺一字

藥闌經雨正堪鋤白菊煩君乞數株潘岳賦中芳思在

陶潛籬下綠英無移來
稍及蟬鳴樹種罷長教酒滿壺
子成仙縱難學九秋思看集鳩離

江邊柳

東風晴色挂闌干
着葉初晴畏曉寒
江上別筵終日有
綠條春在長應難

鵝兒

臘後閒行村舍邊
黃鵝清水真可憐
何窮散亂隨新草
永日淹留在野田
無事羣鳴遮水際
爭來引頸逼人前

風吹楚澤薰葭暮看下寒溪遂去船

酬友人春暮寄枳花茶

昨日東風吹枳花酒醒春晚一甌茶如雲正護幽人漒似雪纔分野老家金餅拍成和雨露玉塵煎出照煙霞相如病渴今全校不羨生臺白頸鷗

郢自街西醉歸馬鞭墜失崔員外起祕書知其
闕用皆許見貽俄頃之間二信俱至短長堅重
價不相饒輒抒短章仰酬珍錫

蜀巖陰面冷冥冥偃雪欺霜半露青銛刀翦裁多鵲媚
細鞘揮拂帶龍腥崖垂萬仞知無影蘚漬千年合有靈
蘭省貴寮蓬閣吏一時緘贈到雲亭

即目

自笑騰騰者非憨又不狂何為跼似鼠而復怯於麋落
拓無生計伶俜戀酒鄉冥搜得詩窟偶戰出文場愛雪
愁冬盡懷人覺夜長石樓多爽氣檻案有餘香運去非
關拙時來不在忙平生兩閒暇孤趣滿滄浪

羅敷東館亭下流泉云至前山擁咽經歲移時

揜弄惆悵成章

看山亭下小鳴泉嗚咽難通亦可憐惆悵無人為疎鑿
擁愁含恨過年年

于武陵詩一首

白櫻樹

記得花開雪滿枝和蠶和蝶帶花移如今花落遊蠶去

空作主人惆悵詩

崔櫓詩二十首

過南城縣麻姑山

似前如却玉堆堆薄帶輕煙翠好裁斜倚兔鉤孤影伴
枝低仙掌一頭來盤疑虎伏形難寫展認龍擎勢未迴
驚訝昔人曾羽化此中爭不接瑤臺

詩手難題畫手慙淺青濃碧疊東南塵愁世界忙心在
霞伴神仙穩夢酣雨涕自悲看雪鬢皇冠無計整雲鬟
家風負荷須名宦可惜千峰綠似藍

差煙危碧半斜暉何代仙人此羽飛高袖鎮長寒柏暗
古祠時復彩雲歸紅塵鞭馬顏將換碧落驂鸞意有違
聲利繫身家繫念今生辜負六銖衣

和友人題僧院薔薇花三首

何人移得在禪家瑟瑟枝條簇簇霞爭那寂寥埋草暗
不勝惆悵舞風斜無緣影對金尊酒可惜香和石昂茶
看取老僧齊物意一般拋擲等凡花

忍委芳心此地開似霞顏色苦低迴風驚少女偷香去

雨認巫娥覓伴來今日獨憐僧院種舊山曾映釣磯裁
三清上客知惆悵勸我春醪一兩杯

露香如醉態如慵斜壓危欄草色中試問更誰過野寺
無憇徒自舞春風蘭缸尚惜連明在錦帳先愁入夏空
一日幾回來又去不能容易捨深紅

春晚泊船江村

芳草青青古渡頭漁家住處暫維舟殘花半樹悄無語
細雨滿天風似愁家信不來春又晚客程難盡水空流

自憐愛失心期約看取花時更遠遙

柳

風慢日遲遲施煙拂水時惹將千萬恨繫在短長枝骨
軟張郎瘦腰輕楚女飢故園歸未得多少斷腸思

蓮花

影欹晴浪勢欹煙恨態緘言日抵年輕霧曉和香積飯
片紅時墮化人船人間有筆應難畫雨後無塵更好憐
何恨斷腸名不得倚風嬌怯醉腰偏

殘蓮花第二首一
作張林詩

倚風無力減香時
涵露如啼臥翠池
金谷樓前馬嵬下
世間殊色一般悲

不耐高風怕冷煙瘦紅
歌委倒青蓮無人解
把無塵袖盛取殘香盡
日憐

惜蓮花

半塘前日染來紅瘦盡
金方昨夜風留樣最嗟
無巧筆護香誰為惜熏籠
緣停翠櫂沈吟看忍使
良波積漸空

魂斷舊溪顛。賴態冷。煙殘粉楚臺東。

岳陽雲夢亭看蓮花

似醉如慵。一水心斜。陽欲暝。彩雲深。清明月照羞。無語涼冷風吹。勢不禁。曾向楚臺和雨看。只於吳苑弄船尋。當時為汝題詩徧。此地依前泥苦吟。

村路菊花

裏風驚未定。溪影晚來寒。不得重陽節。虛將滿把看。神仙誰采掇。煙雨惜彫殘。牧豎樵童看。應教愛爾難。

題山驛新桐花

雨餘煙膩暖香浮影暗斜陽古驛樓丹鳳總巢阿閣去
紫花空映楚雲愁堪憐翠蓋奇於畫更惜芳庭冷似秋
長日老春看落盡野禽閒哢碧悠悠

山路木芙蓉

不向橫塘泥裏栽兩株晴笑碧巖隈枉教絕世深紅色
只向深山僻處開萬里王孫應有恨三年賈傅惜無才
緣花更歎人間事半日江邊悵望迴

新柳

無情柔態任春催似不勝風倚古臺多少去年今日恨
御溝顏色洞庭來

臨川見新柳

不見江頭三四日橋邊楊柳老金絲岸南岸北往來渡
帶雨帶煙深淺枝何處故鄉牽夢想兩迴他國見榮衰
汀洲草色亦如此愁殺遠人人不知

南陽見柳

夜來風入最高枝
胥斷愁腸幾尺絲
楚塞曾吟煙午處
曲江長憶雪晴時
金銜細轂縈迴岸
戍笛牛歌遠近陂
還把舊年惆悵意
武安城下一吟詩

別君山

點空誇黛妬愁眉何必浮來結夢思慙媿
二年青翠色惹窗粘枕伴吟詩

宿壽安山陰館聞泉

一支清急萬山來
穿竹喧飛破石苔
夢在故鄉臨欲到

聲聞孤枕却驚迴多愁鬢髮余甘老有限年光爾莫催
緣憶舊遊相似處月明山響子陵臺

劉綺莊詩一
首

共佳人守歲

桂華窮北陸荆蠱作

一作下

東鄰殘妝欲送曉薄衣已迎

春舉袖爭流雪分歌競繞

一作曉


塵不應將共醉年去遠

催人

御定全唐詩卷八百八十四

謹案卷八百八十二第九頁後二行嵇康嬾慢性
刊本嵇訛稽今改





總校官庶吉士臣張能照
校對官中書臣周嘉猷
謄錄監生臣周嘉猷

欽定四庫全書叢要

集部

御定全唐詩卷八百八十五

詳校官原任事臣李斯咏

欽定四庫全書薈要卷一萬八千二百九十一集部

御定全唐詩卷八百八十五

補遺四

皮日休

詩五

首

櫻桃花

婀娜枝香拂酒壺
向陽疑是不融酥
晚來嵬峩渾如醉
惟有春風獨自扶

夜看櫻桃花

纖枝瑤月弄圓霜
半入隣家半入牆
劉阮不知人獨立

滿衣清露到明香

詠白蓮

膩於瓊粉白於脂京兆夫人未畫眉静婉舞偷將動處
西施噴效半開時通宵帶露妝難洗盡日凌波步不移
願作水仙無別意年年圖與此花期

細嗅深看暗斷腸從今無意愛紅芳折來只合瓊為客
把種應須玉甃塘向日但疑酥滴水含風渾訝雪生香
吳王臺下開多少遙似西施上素妝

赤門堰白蓮花

縞帶與綸巾輕舟漾赤門干迴紫萍岸萬頃白蓮村荷
露傾衣袖松風入鬢根瀟疎今若此爭不盡餘尊

司空圖

詩十首

丙午歲旦

雞報已判春中年抱疾身曉催庭火暗風帶寺幡新多
慮無成事空休是吉人梅花浮壽酒莫笑又移巡

丁巳元日

第三十八

句缺一字

稟朔華夷會開春氣象生日隨行闕近嶽為壽觴晴作
睿由稽古昭仁事措刑上玄勞眷祐高廟保忠貞星變
當移幸人心喜奉迎傳呼清御道雪涕識臣誠鼎餌和
方濟台階潤欲平扶天咨協力併日召延英金躍洪鑪
動雲驅衆蟄驚闕中留王氣席上縱奇兵累降搜賢詔
兼持進善旌短轍收驥步直路發鵬程自乏匡時略非
沽矯俗名鶴籠何足獻蝸舍別無營羸帶漳濱病吟哀
越客聲移居荒藥圃耗志在棋枰醉忘身空老書憐眼

尚明偶能甘塞分豈是薄浮榮慮戒防微淺 知近利
輕獻陵三百里寤寐禱時清

光啟三年人日逢鹿

浮世仍逢亂安排賴佛書勞生中壽少抱疾上昇疎日
暖人逢鹿園荒雪帶鋤知非今又過蘧瑗最憐渠

浙上重陽

第二句
缺一字

登高唯北望菊助可 明離恨初逢節貧居只喜晴好
文時可見學稼老無成莫歎關山阻何當不阻兵

乙巳歲愚春秋四十九辭疾拜章將免左掖重

陽獨登上方

雪鬢不禁鑷知非又此年退居還有旨榮路免妨賢落
落鳴蛩鳥晴霞度雁天自無佳節興依舊菊籬邊

重陽山居

此身逃難入鄉闕八度重陽在舊山離菊亂來成爛漫
家僮常得解登攀年隨厯日三分盡醉伴浮生一片閒
滿目秋光還似鏡殷勤為我照衰顏

旅中重陽

乘時爭路祇危身
經亂登高有幾人
今歲節唯南至在
舊交墳向北邙
新當歌共惜初筵樂
且健無辭後會頻
莫道中冬猶有閨蟾聲
纔盡即青春

南至日

第一句
缺二字

年年山

來頻莫強孤危競要津
吉卦偶成開病眼

暖簷還葺寄羸身
求仙自躁非無藥
報國當材別有人

鬢髮堪傷白已遍
鏡中更待白眉新

五月九日

金石皆銷鑠
賢愚共網羅
達從詩似偈
狂覺哭勝歌高
燕凌鴻鵠枯
槎壓芰荷此中
無別境此外是
閒魔

庚子臘月五日

複道朝廷火嚴
城夜漲塵驛
驅思故第
鸚鵡失佳人
禁漏虛傳點
妖星不振辰
何當迴萬乘
重覩玉京春

羅隱

詩一
首

中元夜看月

朦朧南溟月淘湧出雲濤下射長鯨眼遙分玉兔毫勢
來牛斗動路越宵冥高竟夕瞻光影昂頭把白醪

唐彥謙詩十首

木蘭

衆花搖落正無憊脉脉芳叢勢後凋舒卷綠苞臨小檻
剪裁檀的綴長條獨當春盡情何限尚有秋期別未遙
桃葉近來消息絕見君長憶渡江橈

玉蘂

玉蘂兩高樹相輝松桂旁向來塵不雜此夜月仍光秀
掩叢蘭色艷吞穠李芳世人嬌具美何必更清香

蓮

新蓮映多浦迢遞綠塘東靜影搖波日寒香映水風金
塵飄落蘂玉露洗殘紅看著餘芳少無人問的中

望岳時賊據華夏

長路風埃隔楚氛忽驚神岳映朝暉削成絕壁五千仞
高揖泥金七十君祝史祕辭今莫睹從臣嘉頌久無聞

幽人閒望封中地好為吾皇起白雲

片石

小齋廬阜石寄自沃洲僧山客勞攜笈復幽人自得朋瘦
雲低作段野浪凍成雲便可同清話何須有物憑

柳

春風向楊柳能事盡風流有意疑張緒無情見莫愁依
然金谷在寧免武昌偷前路難回首何須苦映樓

垂柳

垂柳碧鬢茸樓昏帶雨容思量成畫夢來去發春慵梳洗憑張敞乘騎笑稚恭碧虛從轉笠紅燭近高春怨臉明秋水愁眉淡遠峰小園花盡蝶靜院酒醒蛩舊作琴臺鳳今為藥店龍寶奩拋擲久一任景陽鐘

紫薇花

素秋寒露重芳事固應稀小檻臨清沼高叢見紫薇溫麬終有思暗淡豈無輝見欲迷交甫誰能狀宓妃妝新猶倚鏡步緩不勝衣悅似新相得悵如久未歸又疑神

女過猶佩七香幃還似星娥織初臨五綵機慶雲今已
集威鳳莫驚飛綺筆題難盡煩君白玉徽

望中條第四句
缺三字

虞鄉縣西郭改觀揖中條第蓄終南小交

遙崦

深應有寺峰近忍通橋為語前村叟他時寄採樵

蒙穀山

蒙穀山低碧海枯仲君閒坐說麻姑遙天鶴語知虛實
長夜神光竟有無祕祝齋心開九轉侍臣回首聽三呼

文明漫信文成術短燭瑤壇漏滿壺

菊

雪菊金英兩斷腸蝶翎蜂鼻帶清香寒村宿霧臨幽徑
廢苑斜暉傍短牆近取松筠為伴侶遠將桃李作參商
年來病肺疎杯酒每憶龍山似故鄉

方干詩一
首

山中

愛山却把圖書賣嗜酒空教僮僕賒祇向階前便漁釣

那知枕上有雲霞
暗泉出石飛仍咽
小徑通橋直復斜
窗竹未抽今夏筍
庭梅曾試當年花
姓名未及陶弘景
髭鬚白於姜子牙
松月水烟千古在
未知終久屬誰家

王駕詩一首

次韻和盧先輩避難寺居看牡丹

亂後寄僧居看花
恨有餘香宜閒靜
立態似別離初采
密紅相照欄低畫
不如狂風任吹却
最共野人疎

杜荀鶴詩一首

春宮怨

早被蟬娟誤欲妝臨鏡慵承恩不在貌教妾若為容風暖鳥聲碎日高花影重年年越溪女相憶採芙蓉

翁承贊詩一
首

晨興

鼓絕天街冷霧收曉來風景已堪愁槐無顏色因經雨菊有精神為傍秋自愛鮮飈生戶外不教閒事住心頭披襟徐步一瀟灑吟繞盆池想狎鷗

王貞白詩十首

江上吟曉

一葉野人舟長將載酒游
夜來吟思苦江上月華秋
曉露滿紅蓼輕波颺白鷗
漁翁似有約相伴釣中流

過商山

一宿白雲根時經採麝村
數峰雖似蜀當畫不聞猿馬
立溪沙淺人爭閣道喧
明朝棄襦罷步步入金門

泛鏡湖

題缺

我泛鏡湖日未生千里草時無賀賓客誰識謫仙人吟
對四時雪憶遊三島春惡聞亡越事洗耳大江濱

太湖石

誰憐孤峭質移在太湖心出得風波外任他池館深不
同花逞艷多媿竹垂陰一片至堅操那憂歲月侵

依韻和幹公題庭中太湖石二首

山立祗盈尋高奇藥圃陰風濤打欲碎巖穴蟄方深蘚
點晴偏綠蛩藏曉競吟歲寒終不變堪比古人心

徒勞水府尋。宛在玉堂陰。蘭圃安雖窄。盆池映轉深。山僧來盡愛詩客。見先吟若是買花者。年年不計心。

書陶潛醉石

片石陶貞性。非為麴蘖昏。事如累月醉。不笑獨醒人。積疊莓苔色。交加薜荔根。至今重九日。猶待白衣魂。

看天王院牡丹

前年帝里探春時。寺寺名花我盡知。今日長安已灰燼。

忍隨南國對芳枝

芍藥

芍藥承春寵何曾羨牡丹麥秋能幾日穀雨只微寒妬
態風頻起嬌妝露欲殘芙蓉浣紗伴長恨隔波瀾

獨芙蓉

方塘清曉鏡獨照玉容秋蠹芰不相採斂蘋空自愁日
斜還顧影風起強垂頭芳意羨何物雙雙鷓鴣游

馮氏書齋小松二首

孤根生遠岳移植翠枝添自秉雪霜操任他蜂蝶嫌微

陰連迴竹清韻入疎簾聳勢即空碧時人看莫厭

得地已經歲清音晝夜聞根涵舊山土葉間近溪雲野鶴望長遠庭花笑不羣須知搖落後衆木始能分

張蠻詩一
首

社日村居

一作張演詩

鶩湖山下稻粱肥狹穿雞棲對掩扉桑柘影斜春社散家家扶得醉人歸

盧延讓詩三
首

八月十六夜月

十六勝三五中天照大荒
祗訛夢子緣應號沒多光桂
老猶全在蟾深未煞忙難期
一年事到曉泥詩章

冬除夜書情

兀兀坐無味思量誰與隣數星
深夜火一箇遠鄉人雁
翥天微雪風號樹欲春愁
章自難過不覺苦吟頻

觀新歲朝賀

龍墀初立仗鴛鷺列班行
元日燕脂色朝天樞燭香
表

章堆玉案繒帛滿牙牀
三百年如此無因及我唐

御定全唐詩卷八百八十五

欽定四庫全書
欽定全唐詩卷一萬八千二百九十一

集部

御定全唐詩卷八百八十六

補遺五

曹松

詩九首

中秋月

九十日秋色今秋已十分孤光吞列宿四面絕微雲衆
木排疎影寒流疊細紋遙遙望丹桂心緒更紛紛

寄方干

以下皆見元人
錄本唐人詩賦

桐廬江水間終日對柴關因想別離處不知多少山釣

舟春岸濶

一作泊

庭樹晚煙

一作鶯

還莫便求棲隱桂枝堪

恨顏

宿山寺

溪山盡日行方聽遠鐘聲入院逢僧定登樓見月生露
垂羣木潤泉落一巖清此景關吾事通宵寐不成

冬日登江樓

高樓臨古岸野步晚來登江水因寒落山雲為雪凝遠
村雖入望危檻不堪凭親老未歸去鄉愁徒自興

寄李處士

僧話磻溪叟平生重赤松夜堂悲蟋蟀秋水老芙蓉吟
坐倦垂釣間行多倚筇聞名來已久未得一相逢塔見
移來影鐘聞過去聲一齋唯默坐應笑我營營

客中立春

玉燭傳佳節陽和應此辰土牛呈歲稔綵燕表年春臘
盡星回次寒餘月建寅梅花將柳色偏思越鄉人

南塘暝興

水色昏猶白霞光暗漸無風荷搖破扇波月動連珠蟋
蟀啼相應鴛鴦宿不孤小僮頻報夜歸步尚踟躕

送鄭谷歸宜春

無成歸故國上馬亦高歌况是飛鳴後殊為喜慶多暑
消嵩岳雨涼吹洞庭波莫使閒吟去須期接盛科

送曾德邁歸寧宜春

湘東山川有清輝袁水詞人得意歸幾府爭馳毛義檄
一鄉看侍老萊衣筵開灞岸臨清淺路去藍闌入翠微

想到宜陽更無事併將歡慶奉庭闈

李洞詩一
首

山泉

斗空飛下水勢去響如雷靜徹啼猿寺高凌坐客臺耳
同經劒閣身若到天台濺樹吹成凍凌祠觸作灰深中
試榔栗淺處落莓苔半夜重城閉潺湲枕上一作底來

盧士衡詩二
首

松

雲外千尋好性靈伴杉陪柏事孤貞招呼暑氣終無分
應和涼風別有聲細雨灑時花旋落道人食處葉重生
如逢郢匠垂搜採為棟為梁力不輕

再遊紫陽洞重題小松

仙家種此充朝食葉葉枝枝造化力去年見時似鶴高
今年蕭騷八九尺不同矮檜終委地定向晴空倚天碧
好期逸士統貞根昂枝點破秋苔色尋思凡眼重花開
寧知此木超塵埃祇是十年五年間堪作大廈之宏材

熊皎首詩六

湘江曉望

笙歌歡罷散離筵水色朦朧蘸宿煙山響疎鐘何處寺
火光收釣下灘船微雲過島侵微月古岸平江浸遠天
歸夢已闌風色動孤帆仍要住無緣

早行

結束何妨早將行四顧頻山前猶見月陌上未逢人遠
樹動宿鳥危橋怯病身漸明恒自慰應免復迷津

遊嵩山

獨背焦桐訪洞天，暫攀靈迹棄塵緣。
深逢野草皆疑藥，靜見樵人恐是仙。
翠木入雲空自老，古碑橫水莫知年。
可憐幽景堪長往，一任人間歲月遷。

九華望廬山

九江山勢盡崢嶸，惟有匡廬最得名。
萬疊影遮殘雪在，數峰嵐帶夕陽明。
冷侵醉榻鋪秋色，高亞吟龍送水聲。
只待丹霄酬志了，白雲深處是歸程。

道傍松第五句
缺一字

偃蓋當衢莫記年獨含蒼翠鶴應憐垂陰獨向笙歌地
有韻自成風雨天塵路岐分夜月燒侵根脚起殘煙
論功只合行人賞銷得煩蒸古道邊

月中桂

鑿破重輪種者誰銀蟾何事便相隨莫言望夜無攀處
却是吟人有得時孤影不凋清露滴異香常在好風吹
幾回目斷雲霄外未必姮娥惜一枝

孫鈞

詩二十首

湖上望廬山

輶櫂南湖首重迴笑青吟翠向崔嵬天應不許人全見
長把雲藏一半來

題梅嶺泉

梅嶺舊聞傳林亭勢巖然登臨真不易幽勝恐無先楚
野平千里吳江曲一邊標形都大別洞府豈知馬飛閣
橫空去征帆落面前南雄雉堞峻北壯鳳臺連爛熳三

春媚參差百卉妍風桃諸處錦洛竹半溪煙燕入晴梁
語鶯從暖谷遷石根朝靄碧簾際晚霞鮮逕柳行難約
庭莎醉好眠清明時更異造化意疑偏不獨宜韶景尤
須看暑天藥苗繁似結蘿蔓猛如編珠亞垂枝果冰澄
汲井泉粉牆蜩蛻落丹檻雀離顛炎氣微茫覺清飈左
右穿雲峰從勃起葵葉豈勞扇又見秋天麗渾將夏日
懸紅點著霜樹香老卧池邊菱芡誰鋪繡莓苔自學錢
暗蟲依砌響明月逗簾圓小砌滋新菊高軒噪暮蟬雨

聲寒颯颯雁影曉聯聯釋此何堪玩深冬更可憐窗中
看短景樹裏見重川岡阜分明出杉松氣概全謳成白
雪曲吟是早梅篇勑制誰人解根基太守賢或時留皂
蓋盡日簇華筵誰詠憂黎庶狂遊泥管絃交加豐玉食
來去迸金船侍從非常客俳諧像列仙畫旗張赫奕妖
妓舞嬪娟罷宴心猶戀將歸興尚牽祗應愁逼夜寧厭
賈經年孤賤今何幸躋攀奈有緣展眉驚豁達徐步喜
周旋諷詠雖知苦推功靡極玄聊書四十韻甘責未精

專

廬山瀑布

有山來便有萬丈落雲端
霧噴千巖濕雷傾九夏寒圖
中僧寫去湖上客迴看却羨為猿鶴飛鳴近碧湍

牡丹

意態天生異轉看看轉新百花休放艷三月始為春
蝶死難離檻鶯狂不避人其如豪貴地清醒復何因

主人司空後亭牡丹

佳卉挺芳辰天容乃絕倫望開從隔歲愁過即無春體
物真英氣餘花似庶人蜂攢知眷戀鳥語亦殷勤况在
豪華地寧同里巷塵酷憐應喪德多貲奈怡神忌穢裁
時土嘗甜折處津繞行那識倦圍坐豈辭頻入夢殊巫
峽臨池勝洛濱樂喧絲雜竹露清卯連寅飲興尤思滿
吟情自合新怕風惟怯夜憂雨不經旬欄檻為良援亭
臺是四鄰雖非能伐性爭免礙還淳鬪艷何慚蜀矜繁
未讓秦私心期一日許近看逡巡

看牡丹二首

莫將紅粉比穠華
紅粉那堪比此花
隔院聞香誰不惜
出欄呈艷自應誇
北方有態須傾國
西子能言亦喪家
輸我一枝和曉露
真珠簾外向人斜

看花長到牡丹月
萬事全忘自不知
風促乍開方可惜
雨淋將謝可堪悲
閒年對坐渾成偶
醉後拋眠忍負伊
也擬便休還改過
迢迢爭奈一年期

題未開牡丹

青苔雖小葉雖疎貴氣高情便有餘渾未盛時猶若此
算應開日合何如尋芳蝶已棲丹檻襯落苔先染石渠
無限風光言不得一心留在暮春初

主人司空見和未開牡丹輒却奉和

把筆臨芳不自怡首徵章句促妖期已驚常調言多鄙
遽捧高吟媿可知絕代貞名應愈重千金方笑更難移
狂歌狂醉猶堪美大拙當時是老時

又題牡丹上主人司空

一年芳勝一年芳愛重賢侯意異常手闢紅房看潤狹
自張青幄蓋麝香白疑美玉無多潤紫覺靈芝不是祥
祇恐夢徵他日去又須疑向鳳池傍

牡丹落後有作

未發先愁有一朝如今零落更魂銷青叢別後無多色
紅線穿來已半焦蓄恨綺羅猶眷眷薄情蜂蝶去飄飄
明年雖道還期在爭奈憑欄乍寂寥

柳絮詠

年年三月裏隨處自悠揚雨過渾疑盡風來特地狂入
花蜂有礙遮水燕無妨苦是添離思青門道路長

甘露寺紫薇花

蜀葵鄙下薰全落菡萏清高且未開赫日迸光飛蝶去
紫薇擎艷出林來聞香不稱從僧舍見影尤思在酒杯
誰笑晚芳為賤劣便饒春麗已塵埃牽吟過夏惟憂盡
立看移時亦忘迴惆悵寓居無好地嬾能分取一枝栽

芳草

何處不相見煙苗捧露心萋萋遠水苒苒在空林野
吹閒搖濶遊人醉臥深南朝古城裏碑石又應沈

春苔

底物最牽吟秋苔獨自尋何時連夜雨疊翠滿松陰湘
岸荒祠靜吳宮古砌深侯門還可惜長被馬蹄侵

老松

第三句
缺一字

鬱鬱復蒼蒼秋風韻更長空心應有老葉不知霜子
落生深澗陰清背夕陽如逢東岱雨猶得覆秦王

柳十一

首

龍葱二月初青軟自相紆意態花猶少風流木更無影
繁晴陌上煙重古城隅煬帝河聲裏幾番榮又枯
數樹新裁在畫橋春來猶自長長條東風多事剛牽引
已解纖纖學舞腰

金堤堤上一林煙况近清明二月天別有數枝遙望見
畫橋南面拂鞦韆

春物牽情不奈何就中楊柳態難過也知是處無花去

爭奈看時未覺多

小眉初展綠條稠露壓煙濛不自由莫是折來偏屬意
依稀相似是風流

九衢春霽濕雲凝着地
移移礙馬行擬折無端拋又戀
亂穿來去羨黃鸝

千樹陰陰蓋御溝
雪花金穗思悠悠先朝事後應無也
惟是荒根逐碧流

搖蕩和風恃賴春蘸流遮路逐年新
顛狂絮落還堪恨

分外欺凌寂寞人

暖催春促吐芳芽伴雨從風處處斜莫道玄功無定配
不然爭得見桃花

小池前後碧江濱翠拋青爛漫春不是和風為擡舉
可能開眼向行人

深綠依依配淺黃兩般顏色一般香到頭嬝娜成何事
祇解年年斷客腸

看桑

簇簇牙相遮閒看實可嗟藉多雖是葉裁盛不如花春
綠暗連麥秋乾暮立鴉舊鄉曾種得經亂屬誰家

劉昭禹詩五首

僊都山留題

林下事無非塵中竟不知白雲深擁我青石合眠誰山
靜擣靈藥夜閒論古詩此來親羽客何日變枯鬆

晚霽望嶽麓

湘西斜日邊峭入幾尋天翠落重城內屏開萬戶前崖

峻危濺瀑林罅靜通仙誰肯功成後相攜掃石眠

石筍

千古海門石移歸吟叟居竅腥蛟出後形瘦浪衝餘工
語寧無玉僧知忽有書好期仙者叱變化向庭隅

傷雨後牡丹

廢功看不已醉起又持杯數日簾常卷中宵雨忽來淒
涼無戲蝶零落在蒼苔造化根難問令人首可迴

送人紅花栽

世上紅蕉異因移萬里根艱難離瘴土瀟灑入朱門葉

戰青雲韻花零宿露痕長安多未識誰想動吟魂

劉乙詩二首

曉望

地祇逃秀境神化或殷雷裂漢媧補合高峰劖躍開即
今新定業何世不遺才若是浮名道須言有禍胎

山中早起

雞調扶桑枝秋空隱少微濶雲霞並曜高日月爭輝若

厥開天道同初發帝機以言當代事閒闢紫宸扉

姚揆詩二首

晚步

陋巷貧疑本姓顏
晚來閒步出林間
數聲長笛吹沈日
一片殘雲點破山
島寺漸疎敲石磬
漁家方半掩柴關
遲迴從此搜吟久
待得溪頭月上還

秋日江東晚行

迢迢驅馬過江東
此際令人恨莫窮
一撮秋煙堤上白

半輪殘日嶺頭紅路岐滋味猶如舊鄉曲聲音漸不同
含思看看到梁苑畫樓絲竹徹遙空

陳光詩二首

題陶淵明醉石

片石露寒色先生遺素風醉眠芳草合吟起白雲空道
出乾坤外聲齊日月中我知彭澤後千載與誰同

長安新柳

九陌雲初霽皇衢柳已新不同天苑景先得日邊春色

淺微含露絲輕未惹塵一枝方欲折歸去及茲晨

楊凝式詩一首

雪晴

春來冰未泮冬至雪初晴為報方袍客豐年瑞已成

御定全唐詩卷八百八十六

欽定四庫全書
全唐詩卷一萬八千二百九十二

集部

御定全唐詩卷八百八十七

補遺六

盧言

一作顏
詩一首

上安祿山

祿山入洛陽大雪盈尺言上詩

象曰雲雷屯大君理經綸馬上取天下月中朝海神

裴諝

字士明聞喜人擢明經累官至兵部侍郎河南尹詩一首

儲潭廟

大歷三年戊申歲季夏閏月壬子日感應至大歷五年庚戌歲夏六月甲午建

江水上源急如箭潭北轉急令目眩中間十里澄漫漫

龍蛇若見若不見老農老圃望天語儲潭之神可致雨
質明齋服躬往奠牢醴豐潔精誠舉女巫紛紛堂下儻
色似授芳意似與雲在山兮風在林風雲忽起潭更深
氣靈祠宇連江陰朝日不復照翠岑迴溪口兮櫂清流
好風帶雨送到州吏人雨立喜再拜神兮靈兮如獻酬
城上樓兮危架空登四望兮暗濛濛不知兮千萬里惠
澤願兮與之同我有言兮報匪徐車騎復往禮如初高
垣墉兮大其門灑掃丹輦壯神居使過廟者之加敬酒

食貨財而有餘神兮靈神兮靈匪享慢享克誠

任要

兗州團練使詩一首

臘月中與韋戶曹游發生洞裴回之際見雙白

蝙蝠三飛洞門時多異之同為口號年

貞元十四年第八

句缺二字

山翠幕靈洞洞深玄想微一雙白蝙蝠三度向明飛雖然有兩翅了自無毛衣若非飽石髓那得凌偶見

歸堪說殊勝不見歸

韋洪

京兆人官戶
曹詩一首

臘月中遊發生洞裴回之際見雙白蝙蝠三飛

洞門時多異之同為口號

第九句
缺一字

欲驗發生洞先開冰雪行窺臨見二翼色素飛無聲狀
類白蝙蝠幽感騰化精應知五馬來啓蟄迎春榮露冕
之久鳴騶還慰情

馬乂

宣宗時人
詩一首

蜀中經蠻後寄陶雍

首馬渡瀘水北來如鳥輕
幾年期鳳闕一日破龜城
此地有征戰誰家無死生
人悲還舊里鳥喜下空營
弟姪意初定交朋心尚驚
自從經難後吟苦似猿聲

張紹

南唐人詩一首

冲佑觀

大始未形混沌無際上下開
運乾坤定位日月麗天山
川鎮地萬彙猶屯三才始備肇
有神化初生蒸民上惟立德下無踈
親皇風蕩蕩黔首淳淳天下有道誰非聖

人開源嗜慾澆漓俗盛賢者避世真人華命八極神鄉
十州異境翠阜丹丘潛伏靈聖惟彼武夷寶曰洞天峰
巒黛染巖岫霞鮮金房玉室羽蓋雲輶葬日風雨會有
神仙國步多艱皇綱中絕四海九州爪分幅裂稔禍陬
隅阻兵甌越寂寥玄風荒涼絳闕赫赫烈祖再造丕基
拱揖高讓神人樂推明明我后允協昌基功崇下武德
茂重熙睿哲英斷雄畧神智拓土開疆經天緯地五嶺
來庭三湘清徹四海震威羣生懷惠猶勞宵旰猶混馬

車貪狼俟靜害馬方除淹留駿馭想像鶴居心懸真洞
夢到華胥乃眷名山追惟聖跡內庫頒金元侯奉職三
境求規五靈取則跨谷彌岡張霄架極珠宮寶殿璇臺
玉堂鳳翔高甍龍轉迴廊錯落金碧玲瓏壁璫雲生林
楚雷繞藩牆七聖斯嚴三君如在八景靈與九華神蓋
清霄莫胥明霜匪對彷彿壺中依稀物外衆真之宇擬
之無倫會儻之類名之惟新高峰為壑區谷成垌皇獻
頌聲永絕淄磷

鄭露字思叟號南湖甫田人太府卿詩一首

徹雲澗

延綿不可窮寒光徹雲際落石蛩雷鳴濺空春雨細

林披

字茂則號師道官刺史詩一首

秋氣尚高涼

秋氣尚高涼寒笛吹萬木故人入我庭相照不出屋山
川雖遠觀高懷不能拘

公孫果

承宣郎行博城縣丞詩一首

五言贈諸法師

駕鶴排朱霧乘鸞入紫煙凌晨味潭菊薄暮翫峰蓮玉葉低梁下金龜引窗前嘯傲雲霞際留情鱗羽年

李賀

定州司馬詩一首

恒岳晨望有懷

二儀均四序五嶽分九州靈造良難測神功匪易酬恒山北臨岱秀崿東跨幽湏洞鎮河朔嵯峨冠嵩丘禋祠彰舊典壇廟列平疇古樹侵雲密飛泉界道流從官叨

佐理銜命奉珍羞薦玉申誠效鏘金諒有由郊原照初
日林薄委徂秋塞近風聲厲川長霧氣收他鄉饒感激
歸望切祈求景福如光願私門當復侯

暢甫

詩一

偶宴西蜀摩訶池

珍木鬱清池風荷左右披淺觴寧及醉慢舸不知移蔭
林簾光冷照流簪影欹胡為獨羈者雪涕向漣漪

吳士矩

詩一

飲後獻時相

士矩牧大郡因時
相論置軍倅獻此

一夕心期一種歡那知疎散負杯盤尊前數片朝雲在
不許馮公子細看

吳黔

詩一
首

失題

故國海雲端歸寧便整鞍里榮身上舊省罷手中蘭燒
急平蕪廣風悲古木寒謝公山色在朝夕共誰觀

崔融

乾寧中吳郡人詩一首

題惠聚寺

蘇州崑山縣惠聚寺殿基乃鬼神一夕砌成殿中有僧繇畫龍每因風雨

夜騰趨波濤傷田害稼鄉人患之僧繇再畫一鎖鎖之仍畫一釘釘其鎖至今人搘其釘頭隱

隱融因

題寺壁

人莫嫌山小僧還愛寺靈殿高神氣力龍活客丹青

錢信

詩一
首

平望贈蛟

安得神仙術試為施康濟使此平望村如吾江子涯

胡傳美

詩一
首

武康碧落觀

仙宮碧落太微書遺蹟依然掩故居
幢節不歸天杳邈 煙霞空鎖日幽虛
不逢金簡扳雲洞 可惜瑤臺疊蘚除
欲脫儒衣陪羽客 傷心齒髮已凋疏

許宏詩一首

白雲寺

踏破苔痕一逕斑 白雲飛處見青山
不知浮世塵中客 幾箇能知物外閒

文丙詩五首

羅浮山

羅浮多勝境夢到固無因知有長生藥誰為不死人根
雖盤地脉勢自倚天津未便甘休去須棲老此身

牡丹

萬物承春各鬪奇百花分貴近亭池開時若也姮娥見
落日那堪公子知詩客筵中金琰滿美人頭上玉釵垂
不同寒菊舒重九只擬清香泛酒卮

薛花

寂寞人偏重無心媿牡丹秋風凋不得流水泛應難怪
石從教徧幽庭一任盤若逢公子顧重疊是朱欄

新栽松

可憐同百草况負雪霜姿歌舞地不尚歲寒人自移培
除添冷淡毫末入思惟盡道生雲洞誰知路嶮巇

柳

第二句
缺一字

何事動吟哦長翠色和垂陰千樹少送別一枝多帶

霧籠彭澤搖風舞汴河只因隋帝植民力幾銷磨

路應

詩一首

仙巖四瀑布即事寄上祕書包監侍郎七兄吏
部李侍郎十七兄婺州趙中丞處州齊諫議明
州李九郎十四韻

絕境久蒙蔽芟蘿方迨茲樵蘇尚未及冠冕誰能知緣
崖開逕小架木度空危水激千雷發珠聯萬貫垂陰晴
狀非一昏旦勢多奇井識軒轅跡壇餘漢武基後聲響

深洞巖影倒澄池想像虬龍去依稀羽客隨翫奇目豈
倦尋異神忘疲干雲松作蓋積翠薜成帷含意攀丹桂
凝情顧紫芝芸香藹芳氣冰鏡徹圓規胥念滄波遠徒
懷魏闕期徵黃應計日莫鄙北山移

李鎮詩一首

奉和郎中遊仙巖四瀑布寄包祕監李吏部趙
婺州中丞齊處州諫議十四韻

符守分珪組放情在丘巒悠然造雲族忽爾登天壇求

古理方蹟竚奇物不殫晴光散崖壁瑞氣生芝蘭中有
四瀑水奔流狀千般風雲隱巖底雨雪霏林端晶晶含
古色颺颺引晨寒澄潭見猿飲潛穴知龍盤坐憩苔石
遍仰窺杉桂攢幽蹊創高躅靈藥餘仙飧攜賞喜康樂
示文驚建安繡絅炳珠寶中外貽同官末調亦何為輒
陪高唱難慙非御徒者還得依門欄

戴公懷詩一首

奉和郎中遊仙山四瀑泉兼寄李吏部包秘監

趙婺州齊處州

今日永嘉守復追山水遊因尋莽蒼野遂得軒轅丘訪
古事難究覽新情屢周溪垂綠條暗巖度白雲幽過石
奇不盡出林香更浮憑高擁虎節搏險窺龍湫淙濛瀉
三四奔騰千萬秋寒驚殷雷動暑駭繁霜流沫滅羣鳥
外光搖數峰頭叢崖散滴瀝近谷藏鼴鼯况此特形勝
自餘非等儕靈光掩五嶽仙氣均十洲書以謝羣彥永
將叙徽猷當思共攀陟東南看斗牛

孟翔詩一
首

奉和郎中遊仙山四瀑布兼寄李吏部包祕監
判官

昔人恣探討飛流稱石門安知郡城側別有神泉源疏鑿意大禹勤求聞軒轅悠悠幾千歲翳蒼羣木繁奇狀出蔽蔓勝槩畢討論公崖百丈落奔注當空翻下如散雨足上擬屯雲根變態凡幾處靜神竟朝昏渴賢寄珠玉受馥尋蘭蓀蘿葛胥紫綬巖隈駐朱幡方思謝康樂

好事名空存

崔耿詩一首

晚眺

江溶流落景山色凝暮煙衰髮照秋日壯心減昔年愁
吟長抱膝孰訴高高天

宇文鼎詩一首

山下泉

可致清川廣難量利物功涓流此山下誰識去無窮

郭密之詩一
首

永嘉經謝公石門山作

綿境經耳目未嘗曠躋登一窺石門險再滌心神懵洞
壑闊金澗欹崖盤石楞陰潭下幕幕秀嶺上層層千丈
瀑流蹇半溪風雨短興餘志每愜心遠道自弘乘輶廣
儲峙祇命媿才能輟櫂周氣象捫條歷騫崩忽如生羽
翼悅若將起騰謝客今已矣我來誰與朋

扈載詩一
首

芳草

幽芳無處無幽處恨何如倦客傷歸思春風滿舊居晚
煙迷杳靄朝露健扶疎省傍靈光看殘陽少皞區

薛光謙詩一首

任閭中下鄉檢田登艾蕭山北望

觀農巡井邑長望歷山川擁澗開新耨緣崖指火田荒
村無徑陌古戍有風煙瓠葉榮籬長藤花繞架懸岸高
攢樹石水淨寫雲天迴首鄉闕路行歌猶喟然

尉遲汾

朝散大夫守衛
尉少卿詩一首

府尹王侍郎准制拜嶽因狀嵩高靈勝寄呈三

十韻

雄雄天之中峻極聞維嵩作鎮盛標格出雲為雨風瑞

時物不癘順澤年多豐加高冠四方

白武通云中央之
嶽獨加高字者何

中央居四方之中可高故曰嵩高視秩居三公明朝虔昭報頒祀歲嚴

恭署祝紂御札詔賢導宸衷皇皇三川守馨德清明躬

肅徒奉蘭沐竟夕玉華東星漢耿齋戶松泉寒壽宮具

修諒蠲吉曙色猶葱曠端儀大圭立興俛聲玲瓏挹瓊
椒桂馥奏金巖壑空靈歆若有答彷彿傳祝工卒事不
遑偃勝竒紛四叢朝霞破靈嶂錯落間蒼紅動息形似
蟻玄黃氣如籠奔傾千萬狀羣嶽安比崇日月襟袖捧
人天道路通冥搜必殫竭躋覽忘崎穹踏翠徧諸刹趣
綿步難終浮丘仙袂接謝公屐齒窮龍潭應下瞰九曲
當駭容又有九龍潭在寺側崇崖對聳壁立千仞九曲分蓄鍾乳不測龍門計東豁三
臺有何蹤雜道書云自嶽廟東二十里至一山名曰東臺門其東有三臺山昔漢武東巡過此山覩

三學仙女遂金象語奚應

仙經云嵩高大巖下有佛圖音妙有大金像在中來語寺

僧密公密公時在嵩高寺寺在嵩脚下聞之欣然披林求索時白霧昏迷失路一往看之即入山水維覩一虧

香去人三四步側足雙脚步若有所引良久回顧去十步中忽有皎青色就視之得自然天池

玉人

光想融

盧元明嵩山記嶽廟畫為神像有一玉人長五寸玉色甚光潤制作亦佳莫知早晚所造蓋嶽

神之像相傳謂明公山中瑤漿與石髓清骨宜遭逢

世說

人悉云嘗失之經旬乃覩

瑞氣與石髓清骨宜遭逢

世說

嵩山北有大穴中覩二人圍碁有一桮白飲與墮者飲氣力十倍碁者問願停否墮者云不願碁者曰從此西

行天井中多蛟龍但投身入井自當得出若飢取井物食之墮者如言可半年乃出蜀中問張華華曰此仙館

丈夫所飲者玉漿况是降神處跡惟申甫同周翰已洽所食者龍穴石髓

論伊衡亦期功誠富東山興須陟中台庸勉促旋駢軒
未可戀雲松散材事即異期為卜一峰

馬令

失名守博城縣令詩一首

早春陪敕使麻先生

慈力

祭岳

久視二年八句十一句十

缺二字句各

我皇盛文物道化天地先鞭撻走神鬼玉帛禮山川忽
下袁州使來遊紫洞前青羊得處所白鶴時年虔懇
飛龍記昭彰化鳥篇風半山水氣總雲煙光抱昇

中日霞明五色天山橫翠微外室在綠潭邊緹幕灰初
屐焚林火欲然年光著草樹春色換山泉伊水來何日
嵩巖去幾千山疑小天下人是會神仙葉令乘鳬入浮
丘駕鶴旋麻姑幾年歲三見海成田

御定全唐詩卷八百八十七

去喬木空依然碧山東極海明月高昇天平野生竹柏
雖遠地不偏永願酬國恩自將布金田穆穆早朝人英
英丹陛賢誰思滄洲意方欲涉巨川

貫休詩一

過商山

吟緣橫翠憶天台嘯狹啼緩見盡猜四箇老人何處去
一聲仙鶴過溪來皇城宮闕迴頭盡紫閣煙霞為我開
天際峰峰盡堪住紅塵中去大悠哉

齊已詩一
首

過西塞山

空江平野流風島葦颺殘日銜西塞孤帆向北洲邊
鴻渡漢口楚樹出吳頭終日高雲裏身依片石休

可朋詩一
首

中秋月

登樓仍喜此宵晴圓魄纔觀思便清海面乍浮猶隱映
天心高挂最分明片雲想有神仙出迥野應無鬼魅形

曾向洞庭湖上看君山半霧水初平

修睦詩七首

僧院泉

澄澈照人膽深山只一般來難窮處所心去助波瀾砌
曲夜聲苦窗虛客夢闌無心誰肯愛時有老僧看

題僧院泉

何處雲根新布得歸仍半日在煙蘿莫輕竹引經窗小
須信更深入耳多繞砌雖然清自別出門長恐濁相和

從此無心戀滄海滄海無風亦起波

岳上作

始好步青苔蟬聲且莫催辛勤來到此容易便言迴遠
水月未上四方雲正開更堪逢道侶特地話天台

望西山

積翠異諸嶽令人看莫休有時經暮雨獨得倚高樓雲
外僧應老林間水正秋到頭歸隱處豈在問嵩丘

題虎培泉

一自虎掊得清聲四遠流衆人憐爾處長夜洗心頭出
谷花隨去背巖磼下偷林邊落江徼風起雨翛翛

松

細韻颶颶入骨涼影蘸巢鶴過高牆盤根一種依平地
自是梧桐不久長

岳陽對柳

誰此種秋色令人看莫窮正垂雲夢雨不奈洞庭風昔
出長安道獨遊隋苑東當時今日思須信苦相同

清豁陳洪進表奏賜號
性空禪師詩一首

歸山吟

聚如浮沫散如雲聚不相將散不分入郭當時君是我
歸山今日我非君

吳筠詩六首

遊倚帝山二首

山間非吾心物表翼所託振衣超煩滓策杖追岑壑絕
地窮嵒崿造天究磐礴邇臨煙霞積遙睇宇宙廓俯驚

白雲涌仰駭飛泉落苔濃鮮翠屏松古麗丹崿目翼覩
喬羨心希馭龍鶴乃知巢由情豈伊猿鳥樂

茲山何獨秀萬仞倚昊蒼晨躋煙霞趾夕憩靈仙場俯
觀海上月坐弄浮雲翔松風振雅音桂露含晴光不出
六合外超然萬累忘信彼古來士巖棲道彌彰

翰林院望終南山

竊慕隱淪道所歡巖穴居誰言忝休命遂入承明廬物
情不可易幽中未嘗撝幸見終南山峩峩凌太虛

青靄長不滅白雲間卷舒悠然相探討延望空躡躅
繫心無極神超興有餘何當解維繫永託逍遙墟

秋日彭蠡湖中觀廬山

泛舟太湖上迴瞰茲山隈萬頃滄波中千峯鬱崔嵬涼
煙發爐嶠秋日明帝臺絕巔凌大漠懸流瀉昭回穹崇
石梁引岈豁天門開飛鳥屢隱見白雲時往來超然契
清賞目醉心悠哉董氏出六合王君升尤垓誰言曠遐
祀庶可相追陪從此永棲託拂衣謝浮埃

秋日望倚帝山

楚服多奇山靈表先倚帝孤秀白雲裏青冥何崇麗秋
天已晴朗晚日更澄霽遠峰列在目杳與神襟契倏忽
遺世間宛如再登詣伊予抱斯志代處人煙閉何事牽
俗網悠然負芝桂竭來從隱淪式保羨門計

李治詩二首

薔薇花

翠融紅綻渾無力斜倚闌干似託人深處最宜香惹蝶

摘時薰恐焰燒春當空巧結玲瓏帳著地能鋪錦繡裯
最好凌晨和露看碧紗窗外一枝新

柳

最愛纖纖曲水濱夕陽移影過青蘋東風又染一年綠
楚客更傷千里春低葉已藏依岸櫂高枝應閉上樓人
舞腰漸重煙光老散作飛綿惹翠裯

御定全唐詩卷八百八十八

謹案卷八百八十七第四頁後六行山川雖遠觀
刊本山訛出據別本改

金 库 四 库 全 書



總校官庶吉士 臣張能照

校對官中書 臣張 墩

謄錄監生 臣周嘉猷

欽定四庫全書叢書要

集部

御定全唐詩卷八百八十九至九十一



詳校官原任主事臣李斯咏

欽定四庫全書會要卷一萬八千二百九十四

集部

御定全唐詩卷八百八十九

詞 唐人樂府元用律絕等詩雜和聲歌之其并和
聲作實字長短其句以就曲拍者為填詞開元

天寶肇其端元和太和衍其流大中咸通以後迄
於南唐二蜀尤家工戶習以盡其變凡有五音二

十八調各有分

屬今皆失傳

明皇帝 一首

好時光

寶髻偏宜宮樣蓮臉嫩體紅香眉黛不須張敞畫天教

入鬢長 莫倚傾國貌嫁取箇有情郎彼此當年少莫
負好時光

昭宗皇帝

四首

巫山一段雲

縹渺雲間質盈盈波上身袖羅斜舉動埃塵明豔不勝
春 翠鬟晚妝煙重寂寂陽臺一夢冰眸蓮臉見長新
巫峽更何人

蝶舞梨園雪鶯啼柳帶煙小池殘日豔陽天苧蘿山又

山 青鳥不來愁絕忍看鴛鴦雙結春風一等少年心

閒情恨不禁

菩薩蠻

一名子夜歌一名巫山一片雲一名重疊金

登樓遙望秦宮殿茫茫只見雙飛燕渭水一條流千山與萬立遠煙籠碧樹陌上行人去安得有英雄迎歸

大內中

一作何處是英雄迎儂歸故宮

飄飄且在三峰下秋風往往堪霑灑腸斷憶仙宮朦朧煙霧中思夢時時睡不語長如醉早晚是歸期蒼穹

知不知

後唐莊宗

名存勗在位四年謚曰光聖神閔詞四首

一葉落

一葉落
寥朱箔此時景物正蕭索
畫樓月影寒
西風吹
羅幕
吹羅幕
往事思量著

如夢令

一名憶仙姿一名
宴桃源一名比梅

曾宴桃源深洞
一曲清歌舞
鳳長記別伊時
和淚出門
相送如夢如夢
殘月落花煙重

陽臺夢

薄羅衫子金泥縫。困纖腰怯銖衣重。笑迎移步小蘭叢。
蟬金翹玉鳳。嬌多情脈脈。羞把同心撚。弄楚天雲雨。
却相和又入陽臺夢。

歌頭

賞芳春暖風飄蕣鶯啼綠樹輕煙籠晚閣杏桃紅開鱗
萼靈和殿禁柳千行斜金絲絡夏雲多奇峰如削紈扇
動微涼輕綃薄梅雨霽火雲爍臨水檻永日逃溽暑泛

觥酌 露華濃冷高梧雕萬葉一霎晚風蟬聲新雨歇
惜惜此光陰如流水東籬菊殘時歎蕭索繁陰積歲時
暮景難留不覺朱顏失却好容光且且須呼賓友西園
長宵讌雲謠歌皓齒且行樂

南唐嗣主李璟

三首

浣溪沙

一作浣紗溪
一名小庭花

風壓輕雲貼水飛乍晴池館燕爭泥沈郎多病不勝衣
沙上未聞鴻雁信竹間時聽鷦鷯啼此情惟有落花

知

攤破浣溪沙

一名山

花子

菡萏香銷翠葉殘
西風愁起綠波間
還與韶光共顛
不堪看
細雨夢回雞塞遠
小樓吹徹玉笙寒
多少淚珠何限
恨倚闌干

手卷真珠上玉鈎
依前春恨瑣重
樓風裏落花誰是主
思悠悠
青鳥不傳雲外信
丁香空結雨中愁
回首滌
波三峽暮接天流

後主煜 三十五首

漁父一名漁子

浪花有意千里雪
桃花無言一隊春
一壺酒一竿身快活
如儂有幾人

一櫂春風一葉舟
一綸繭縷一輕鉤
花滿渚酒滿甌萬頃
波中得自由

憶江南

一名望江南
一名夢江南
一名江口

一名望江梅
一名歸塞北

一名謝秋娘

一名春去也

多少恨昨夜夢魂中還似舊時遊上苑車如流水馬如

龍花月正春風

多少淚霑袖復橫頤心事莫將和淚滴鳳笙休向月明
吹腸斷更無疑

閒夢遠南國正芳春船上管弦江面綠滿城飛絮混輕
塵愁殺看花人

閒夢遠南國正清秋千里江山寒色暮蘆花深處泊孤
舟笛在月明樓

擣練子

一名深院月

深院靜小庭空
斷續寒砧斷續風
無柰夜長人不寐
數聲和月到簾櫳

雲鬟亂晚妝殘
帶恨看兒遠岫攢
斜托香顰春筍嬾
為誰和淚倚闌干

相見歡

一名烏夜啼
一名上西樓
一名西樓子
一名秋夜月
一名憶真妃

妃

林花謝了春紅太息息無奈
朝來寒雨晚來風 脂胭

淚相留醉幾時重自是人生長恨水長東

無言獨上西樓月如鉤寂寞梧桐深院鎖清秋
剪不

斷理還亂是離愁別是一般滋味在心頭

長相思

一名雙红豆一名憶多嬌

一重山兩重山山遠天高煙水寒相思楓葉丹菊花

開菊花殘塞雁高飛人未還一簾風月閒

雲一縗玉一梭澹澹衫兒薄薄羅輕顰雙黛螺秋風

多雨如和簾外芭蕉三兩窠夜長人柰何

浣溪沙

紅日已高三丈透
金鑪次第添香獸
紅錦地衣隨步皴
佳人舞點金釵溜
酒惡時拈花葉
纓翼別殿遙聞簫鼓奏

轉燭飄蓬一夢歸
欲尋陳迹悵人非
天教心願與身違
待月池臺空逝水
蔭花樓閣漫斜暉
登臨不惜更霑衣

衣

采桑子

一名醜奴兒
一名羅敷歌
敷媚一名羅敷歌

輶轎金井梧桐晚幾樹驚秋晝雨如愁百尺蝦須上玉
鉤 瓊窗春斷雙蛾皺回首邊頭欲寄鱗游九曲寒波
不汎流

亭前春逐紅英盡舞態徘徊細雨霏微不放雙眉時暫
開 綠窗冷靜芳音斷香印成灰可柰情懷欲睡朦朧
入夢來

菩薩蠻

花明月暗籠輕霧今宵好向郎邊去刻韁步香階手提

金縷鞋 畫堂南畔見一晌
偎人顛好為出來難教君
恣意憐

蓬萊院閉天台女
畫堂晝寢無人語
拋枕翠雲光
繡衣聞異香 潛來珠鎖動
驚覺鴛鴦夢慢臉笑盈盈相看
無限情

銅簧韻脆鏘寒竹
新聲慢奏移纖玉
眼色暗相鉤
秋波橫欲流 雨雲深繡戶
來便諧衷素宴罷
罷又成空夢迷

春睡中

人生愁恨何能免
消魂獨我情何限
故國夢重歸覺來
雙淚垂
高樓誰與上
長記秋晴望往事
已成空還如

一夢中

清平樂

一名憶
蘿月

別來春半
觸目愁腸斷
砌下落梅如雪亂
拂了一身還滿
雁來音信無
憑路遙歸夢難成
離恨却如春草更
行更遠還生

喜遷鶯

一名鶴冲天
一名燕歸來

曉月墜宿雲微無語枕頻欹夢回芳草思依依天遠雁

聲稀啼鶯散餘花亂寂寞畫堂深院片紅休掃儘從

伊留待舞人歸

阮郎歸

一名醉桃源
一名碧桃春

東風吹水日銜山春來長是閒落花狼藉酒闌珊笙歌
醉夢間春睡覺晚妝殘無人整翠鬟留連光景惜朱
顏黃昏獨倚闌

錦堂春

一名烏夜啼

昨夜風兼雨簾幙颯颯秋聲燭殘漏滴頻欹枕起坐不能平世事漫隨流水算來一夢浮生醉鄉路穩宜頻到此外不堪行

應天長

一鉤初月臨妝鏡蟬鬢鳳釵慵不整重簾靜層樓迴惆悵落花風不定柳堤芳草徑夢斷轆轤金井昨夜更闌酒醒春愁過却病

望遠行

碧砌花光照眼明朱扉長日鎮長扃餘寒欲去夢難成
爐香煙冷自亭亭遼陽月秣陵砧不傳消息但傳情
黃金臺下忽然驚征人歸日二毛生

浪淘沙

一名賣花聲

簾外雨潺潺春意闌珊羅衾不耐五更寒夢裏不知身
是客一晌貪歡獨自暮凭闌無限江山別時容易見
時難流水落花春去也天上人間

往事只堪哀對景難排秋風庭院蘚侵階一桁珠簾閒

不卷終日誰來 金劍已沉埋壯氣蒿萊晚涼天淨月

華開想得玉樓瑤殿影空照秦淮

木蘭花

一名玉樓春 一名春曉曲 一名惜春客

曉妝初了明肌雪春殿嬪娥魚貫列鳳簫聲斷水雲間
重按霓裳歌徧徹 臨風誰更飄香屑醉拍闌干情未
切歸時休放燭花紅待蹣馬蹄清夜月

虞美人

風回小院庭蕪綠柳眼春相續凭闌半日獨無言依舊

竹聲新月似當年。笙歌未散尊罍在。池面冰初解。燭明香暗畫樓深。滿鬢清霜殘雪思難禁。

春花秋月何時了。往事知多少。小樓昨夜又東風。故國不堪回首月明中。雕闌玉砌應猶在。只是朱顏改。問君能有幾多愁。恰似一江春水向東流。

一斛珠

一名醉落魄

晚妝初過沈檀輕注些兒箇向人微露丁香顆一曲清歌暫引櫻桃破。羅袖裏殘殷色可杯深旋被香醪涴。

繡牀斜凭嬌無那爛嚼紅茸笑向檀郎唾

臨江仙

櫻桃落盡春歸去蝶翻輕粉雙飛子規啼月小樓西玉
鉤羅幕惆悵暮煙垂別巷寂寥人散後望殘煙草低
迷爐香閒嫋鳳皇兒空持羅帶回首恨依依

蝶戀花

一名一簾金一名黃金縷一名明月生

南浦一名鳳棲梧一名鵲踏枝一名卷

珠簾一名

魚水同歡

遙夜亭皋閒信步纔過清明漸覺傷春暮數點雨聲風

約住朦朧澹月雲來去 桃李依依香暗度誰在鞦韆
笑裏輕輕語一片芳心千萬緒人間沒箇安排處

破陣子

一名十拍子

四十年來家國三千里地山河鳳闕龍樓連霄漢玉樹
瓊枝作煙蘿幾曾識干戈 一旦歸為臣虜沈腰潘鬢
銷磨最是蒼黃辭廟日教坊獨奏別離歌垂淚對宮娥

蜀主王衍

二首

醉妝詞

者邊走那邊走只是尋花柳那邊走者邊走莫厭金杯
酒

甘州曲

畫羅幕能解束稱腰身柳眉桃臉不勝春薄媚足精神
可惜淪落在風塵

後蜀主孟景

詞一
首

木蘭花

冰肌玉骨清無汗水殿風來暗香滿繡簾一點月窺人

欹枕釵橫雲鬢亂 起來瓊戶啓無聲時見疎星渡河
漢屈指西風幾時來只恐流年暗中換

蘇軾洞仙歌
即隱括此詞

御定全唐詩卷八百八十九